

فيروس
كورونا
COVID_19

بصيص من الأمل في زمن الكورونا:
قصصنا من الأردن

Glimpses of Hope in the Era of Corona:
Our Stories from Jordan

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER



f IRCKHF



IRC_KHF



IRCKHF

بصيص من الأمل في زمن الكورونا: قصصنا من الأردن

في بداية أزمة فيروس كورونا، كان الوقت مخيف ومقلق بالنسبة للجميع، لذلك قام فريق العمل في مركز المعلومات والبحوث – مؤسسة الملك الحسين بتسلط الضوء على التحديات التي تواجه الكثير من الناس وبنفس الوقت التركيز على الجانب الإيجابي لنشر الأمل بين الناس، لذلك كان عنوان سلسلة القصص "بصيص من الأمل في زمن الكورونا: قصصنا من الأردن".

في هذه السلسلة حاول فريق العمل في مركز المعلومات والبحوث تغطية جميع الأشخاص الذين عملوا معهم أو عنهم الأبحاث؛ وهم الفئات الأكثر تهميشاً وضعفاً في الأردن. في الغالب يعتقد الناس في الأردن إن الأكثر تهميشاً هم اللاجئين، ولكن في قصصنا كان في هناك النساء والأمهات اللاتي يرأسن أسرهن والأرذنيات المتزوجات من غير أردنيين وأبنائهم والأيتام خريجي دور الرعاية ومنهم فاقد السند الأسري، والأشخاص ذوي الإعاقة، وكما كان هناك مجموعة من القصص العامة.

إن هذه القصص بينت أنه خلال هذه الفترة، أي فترة حظر التجول، الأشخاص الذين يعانون بالفعل من الظلم الاجتماعي هم في هذه الأوقات يعانون بشكل أكبر، لأنهم مستبعدين بشكل عام. وكما تذكرنا هذه القصص بشيء مهم عن المجتمع الأردني، وهو أهمية وقيمة التفكير بمساعدة بعضنا البعض، سواء من خلال الجيران، أو المتطوعين، أو المبادرات الشعبية، أو منظمات المجتمع المدني.

وعليه، فقد قام فريق العمل بجمع ونشر 25 قصة، ووصلت هذه القصص إلى 93,667 شخصاً على قنوات التواصل الاجتماعي التابعة لمركز المعلومات والبحوث – مؤسسة الملك الحسين، وحصلت القصص على 4,819 مشاركة وتفاعل بشكل عام. علمًا بأنه تم نشر القصص بين الفترة 27 آذار حتى 21 أيار، حيث قام فريق العمل بنشر ثلاث قصص في كل أسبوع.

القصص

كما ذكر أعلاه، تم نشر جميع القصص في ألبوم "[COVID-19 Stories](#)" على الفيسبوك، وعلى حساب مركز المعلومات والبحوث على [التويتر](#)، وكذلك على [الانستجرام](#).

فيما يلي القصص الخمسة والعشرون التي جمعها فريق العمل أثناء فترة حظر التجول والإغلاق الكامل بسبب كوفيد-19 وتم نشرها على قنوات التواصل الاجتماعي التابعة لمركز المعلومات والبحوث – مؤسسة الملك الحسين:

بصيص من الأمل
في زمن الكورونا:
قصصنا من الأردن

” الشفافية مميزة في الأردن والأرقام غير مخفية وبحكوها بالتفصيل كل يوم وهذا أمر إيجابي جداً وبحسنا بالطمأنينة. بالنسبة لقانون العمل وقانون الدفاع والإجازات الرسمية فهي لعبت دور كبير في حماية الكثير من الموظفين في القطاع الخاص من استغلال أصحاب العمل وتهربهم من الدفع. كانوا يهدمونهم يطلعوني وما يدفعولي إشي، بس أنا كنت قارئ عن الموضوع وسامع بالأخبار إنه منقدر نتواصل مع وزارة العمل لهي الأسباب، وأنه هاي مخالفة لقانون الدفاع من أصحاب العمل. المهم شاركتهم بهي المعلومات وشغلي مستمر بالعمل عن بعد. إعرف حقك وسوي واجبك في العمل إذا كانت طبيعة شغلك بتسمح.

” مدير إنشاءات، 29 سنة، عمان

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER

f IRCKHF @ IRC_KHF IRCKHF

بصيص من الأمل
في زمن الكورونا:
قصصنا من الأردن


”
أختي بتعاني من ربو حاد، وبتحتاج جهاز استنشاق أو بخاخ. قبل الحظر، كانوا مقطوعين فترة فما قدرنا نأمن عدد. خلال الحظر احتاجت أختي للبخاخ! اتصلنا مع الشرطة 911 وحولونا للدفاع المدني. استنينا 25 دقيقة عالخط لقدروا يردوا علينا من الضغط الهائل عليهم، وعدد المكالمات الرهيب. وأنا سمعت بالأخبار أنه عدد المكالمات صار أضعاف، أظن حكو وصل 180 ألف مكالمة باليوم! بعد 25 دقيقة انتظار عالخط، وصلونا الدفاع المدني خلال 10 دقائق فقط إجوا أخذونا للمستشفى، جينا البخاخ واستنونا ورجعونا من المستشفى للبيت. كانت المعاملة رائعة جداً وسريعة ومنظمة. انبسطنا بنتيجة المكالمات واتطمنا على أختي وصحتها. أهم شي ما تحكي مع 911 إلا للضرورة، لأنه ممكن يكون في غيرك بحاجة للمساعدة أكثر

معلمة، 55 سنة، عمان

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER

f IRCKHF @ IRCKHF

بصيص من الأمل
في زمن الكورونا:
قصصنا من الأردن



”

قمنا أنا ومجموعة من الشباب، بدعم من مبادرة 'فرحة' وبالتعاون مع بلدية بصيرا، بتوزيع الطرود التموينية، ومواد التعقيم والمنظفات، والخبز على الأسر المحتاجة وإخوانا المصريين والسوريين اللي ما بشملهم القانون في الرواتب والتعويضات (لانهم عقال مياومة). مبارح (سادس يوم من حظر التجول) كنت بوزع طرود واكتشفت انه في ناس صارلهم أربع أيام ما عندهم أكل، الله أعلم كيف كانوا يدبروا حالهم! لكن وحدة من الحالات امرأة فقعدة، لا معيل لها جالسة في بيت لوحدها، لم تأكل من ثلاث أيام، ولما دخلنا عليها انهارت بالبكاء! رسالتي لأبناء الوطن الحبيب أن نلزم بيوتنا، وبرضو نكون على درجة عالية من الوعي، ونساعد جيراننا المحتاجين.

“

مصعب الشروش، محافظة الطفيلة - لواء بصيرا

KING HUSSEIN FOUNDATION
مؤسسة الحسين
مركز المعلومات والبحوث
INFORMATION AND RESEARCH CENTER

f IRCKHF IRC_KHF IRCKHF

بصيص من الأمل
في زمن الكورونا:
قصصنا من الأردن

العمارة اللي أنا عابشة فيها، الجيران يا دوب بنعرف بعض. كلهم لطيفين بس بسبب انشغالنا الدائم يا دوب بس بنسلم على بعض لما نفوت ونطلع. هداك اليوم خبروني الجيران إنه في سيارة بتبيع خضار بالشارع عشان إزا كنت حابة اشترى شي منها. الحمدلله أنا وعيلتي كان عنا أكل كفاية بس خلصنا كل الخضار الطازجة والتزمنا تماماً بالحظر وما طلعتنا من بيتنا أبداً، ولإني كنت حابة يكون في خضار وفواكة جديدة لحتى الولاد ياكلوا منها. فنزلت عشان أشترى من البياح بس لقا وصلت لقيت سيارة الخضار رايحة. بعد شوي جرس بيتي رن ولقيت قدام الباب ثلاث أكياس معبئة خضار، والحارس حكالي "هدول إلكم" وخبرني إنه اللي جابهم جارنا في العمارة اللي عندهم مزرعة، وانهم وزعوا خضار على العمارة كاملة. هاد التصرف اللطيف خلال هاد الوقت الصعب بخلي الواحد يكون كثير متفائل خصوصاً إنه إحنا في العمارة ما بنعرف بعض منيح. بعد شوي إجت جارتني الثانية عشان تعطينا جزء من الخضار اللي وصلتهم وما كانت تعرف إنه إحنا كمان وصلنا خضار من جارنا، فشكرتها وخبرتها إنه كلنا وصلنا نفس الشيء. عن جد شعور كثير حلو إنك تعرف إنه الكل هاكلين هم بعض. لما يخلص كل شي ونبطل نهكل هم التباعد الاجتماعي، رح أبذل كل جهدي لأتعرف على كل جيرانني.

سيدة، 37 سنة، عمان

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER
f IRCKHF @ IRCKHF

بصيص من الأمل
في زمن الكورونا:
قصصنا من الأردن

” في شب عمره 23 سنة من الشباب فاقد السند الأسري من خريجي دور الرعاية، ساكن بسكن طلاب وعنده مشاكل صحية وبتيجيه نوبات بشكل دائم، واحنا بسكينة (وهي جمعية لتمكين الأيتام فاقد السند الأسري) عادة بنزوده بالأدوية، بس هو ما حكالنا إنه الدوا قرب يخلص. إجنه نوبة وحاولوا زملاؤه بالسكن يحكوا مع الإسعاف بس ما زبط معهم. فحكوا معي مش بس لأنني بسكينة بس برضه لعلمهم بإنني ممرض، وشرحتلهم كيف يتعاملوا معه خطوة بخطوة. ضلوا عتواصل معي طول الليل ليعطوني أخباره لحد ما صحتي، الحمدلله اتخطينا هاي المحنة. اليوم الي بعده أول ما فتحت الصيدليات، تواصلنا مع عثمان وهو المحاسب الي بشتغل معنا لأنه موقع سكنه قريب من سكن الشباب. قدر عثمان يحيب الدوا، وأصر إنه يدفع من جيبتة وراح مشي ووصله للسكن. كلنا بدنا دعم من العيلة والأصدقاء وخصوصاً بهيك أيام. وفاقد السند الأسري ما عندهم حدا. إحنا بسكينة ما معنا كثير وما بنقدر نوصلهم في هاي الظروف لأنه ما معنا تصاريح بس هيئا عتواصل معهم بانتظام عشان يعرفوا إنا بنساندهم.

” أدهم خص، جمعية سكينة لتمكين الأيتام فاقد السند الأسري

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER

f IRCKHF @ IRCKHF

بصيص من الأمل
في زمن الكورونا:
قصصنا من الأردن

”
أول يوم لما وصلنا الفنادق كان الشعور جداً سيئ
مش فاهمين ايش بالضبط رح يصير وكنا مرهقين جداً
بس بنفس الوقت ما في اشي سلبي بالمطلق،
بالنسبة إلي، الأسبوعين الي قضينهم بالحجر خلوني
أكتشف جوانب بشخصيتي ما كنت بعرفها. على
المستوى الشخصي، أنا دوامي لـ6 المسا وكنت بروح
على معاهد ودروس وجيم يعني كنت بركض طول
اليوم. الحجر، خاصة هون عند البحر، خلاني أرتاح
وأفكر بحالي وبمستقبلي وخياراتي. صرت أتعامل مع
الحجر زي كأنه مهمة ولازم أطلع منه ماخدة قرارات
بحياتي. أنا كمهندسة مدنية بدي أغير تخصصي
فصرت أقرأ عن مجالات ثانية. وهلاً بعد الحجر بقدر
أحكي إني إن شاء الله لقيت إلي بدي إياه. رح أغير
تخصصي لمجال إدارة المخزون، لأنه مجال حلو
وعملي وفيه إدارة ورياضيات وأنا بستمع فيهم
كثير. استغلوا فترة الحجر للتفكير والتأمل
والتخطيط للمستقبل والأولويات الي ب حياة كل حدا
فيينا.

بنان قطوس، عمان

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER

f IRCKHF IRC_KHF IRCKHF

بصيص من الأمل
في زمن الكورونا:
قصصنا من الأردن

”

أنا كنت أشتغل باليومية عندي مشروع طبخ وبعمل معجنات ومخللات وهلا رح يصير وقت أجار البيت ولسا ما كملنا حقه، الضرر كبير على اللي يشتغل باليومية، أنا مشروعي هلا توقف مين بده يشتري مني بالظروف هاي أصلاً أنا نفسي ما عاد أقدر أعطي لحدا كل شغل الطبخ والمعجنات لأنه كله بالإيد، ما بتضمني حتى لو حدا طلب مني مستحيل أغامر وأعطي أي اشي، الشغل متوقف والله إله أكثر من شهر. هاي الفترة صرت أجيّب أكياس النايلون أغسلهم وأنشفهم وأعملهم إعادة تدوير وأصنع أشياء مثل مقالم مدرسة، شتات تسوق، وهيك أشياء حلوة كنت مبلشة فيها من شهرين بس هلاً دعمتني قعدتني في البيت والأولاد كمان صاروا يساعدوني. بالعكس أنا فرحانة، عم ننتج بلكي قدرنا نبيع هالحاجيات بس تفرج. "وَعَسَى أَنْ تَكْرَهُوا شَيْئًا وَهُوَ خَيْرٌ لَكُمْ".

كون خلاق بهالأوقات ولاقي طرق كسب عيش جديدة للمستقبل إذا قدرت.


“

سيدة سورية، 46 سنة، إربد

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER

f IRCKHF @ IRCKHF

بصيص من الأمل
في زمن الكورونا:
قصصنا من الأردن



” بلشت المبادرة بفكرة إنه إحنا كأشخاص ذوي إعاقة كيف ممكن يكون لنا دور بهاي الأزيمة إلي عم بنعيشها؟ كانت فكرتنا بأنه نعمل مجموعة من الفيديوهات نصورها وننشرها على مواقع التواصل الإجتماعي. وبدأت المبادرة في الأردن، بعدين توصلنا مع أشخاص ذوي إعاقة من خارج الأردن كمان، من مصر ومن لبنان. وتواصلنا مع شخص من ذوي الإعاقة السمعية وبيعرف بلغة الإشارة ساعدنا بإعداد فيديو متكامل. هذا الفيديو فيه مجموعة من الأشخاص ذوي الإعاقة، كل واحد فيهم قدم رسالته للناس عشان يضلوا بالبيت. المقصود بهاي المبادرة إنه إحنا كأشخاص يكون لنا دور بالمجتمع، زي ما إحنا بنطالب بحقوقنا بالتعليم وبالعمل وبالصحة وغيره كمان بلدنا أكيد بحاجة إلنا، فعملنا هاي المبادرة. لازم نتذكر إنه الأشخاص ذوي الإعاقة هم جزء فعال لا يتجزأ من المجتمع. يجب إعطاؤهم الحقوق الكاملة لممارسة مواظنتهم الكاملة. شوفوا الفيديو مودود بالتعليق الأول فيه أشخاص ذوي الإعاقة ومنهم أنا .

” تقى المجالي، الكرك

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER



f IRCKHF t IRC_KHF i IRCKHF

بصيص من الأمل
في زمن الكورونا:
قصصنا من الأردن

”

لما بلشوا توزيع المي والخبز في حطر التجول يوم الثلاثاء (24 آذار)، إجت سيارة شركة مي تبيعنا مي. طلب البياع ثمن قارورة المي الكبيرة بـ 7.5 دينار. وأنا ما يعرف الأسعار لإنا ما بنجيب عادة هاي القوارير، وصراحة كان ممكن أدفع! حظي كان في شرطي قريب وسمع فجادل البياع وطلب إنه يحكي مع مدير الشركة، وبعديها أخذوا للبياع بالسيارة وأنذروه. زميله كمل شغل وباعنا القارورة نفسها بدينارين! جت نتين، يعني بدل ما أدفع 15 دينار دفعت 4 دنانير. يا ريت ما يكون فيه استغلال وبنشكر الكثار الي بساعدوا وبيعوا بضمير وبدون رقابة.

“

طالب جامعة، 19 سنة، الجامعة الأردنية، عمان

KING HUSSEIN FOUNDATION
مؤسسة الحسين
مركز المعلومات والبحوث
INFORMATION AND RESEARCH CENTER



f IRCKHF IRC_KHF IRCKHF

بصيص من الأمل
في زمن الكورونا:
قصصنا من الأردن

”
من أول ما بدت أزمة الفيروس وأنا إيدي على قلبي وخايفه لإنه عندي أربع أطفال، وجوزي تعبان من فترة، وما إلي غير الله... كنت خايفه كيف بدي أوفر كل احتياجات العيلة خاصة مع منع التجول. بس الحمد لله لجأت لوحده من البنات الي يعرفهم وحتلي عن مجموعة على الفيسبوك معموله للأمهات بالأردن، وعن طريقهم حكت لكل عني... وأولاد وبنات الحلال ما قصرنا ووفرولي كل شي أساسي. والحمد لله الحكومة إجرااتهم ممتازة بس المهم الناس تلتزم فيها. وإن شاء الله ربنا يبعد هالمرض عنا ويحمي أولادنا والكل ويخلي الناس الطيبة. أهم شي الخير يضل بينا وما ننسى بعض بهيك ظروف.

”
سيدة، 41 سنة، البلقاء

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER
f IRCKHF IRC_KHF IRCKHF

بصيص من الأمل
في زمن الكورونا:
قصصنا من الأردن

”
انا متزوجة من شخص بحمل الجنسية
المصرية وكبر سنه وعمره بمنعه من
العمل من ثلاث سنوات تقريباً. عندي خمس
أطفال والإيجابية الوحيدة بالوضع الراهن
هي الجمعيات والمبادرات الفعالة إلي
بتقوم بتزودنا باحتياجات البيت... لسه
الوضع صعب علي وعلى كثير من الي مثل
حالي بس هاي الجمعيات والمبادرات
بتعمل جهد جميل ومشكورين عليه. يتمنى
من المسؤولين التنسيق مع الجمعيات
بتفقد العائلات إلي بتشبه حالتنا.

“
سيده, 43 سنة, مخيم جبل النمر

KING HUSSEIN FOUNDATION
مؤسسة الحسين
مركز المعلومات والبحوث
INFORMATION AND RESEARCH CENTER
f IRCKHF IRC_KHF IRCKHF

بصيص من الأمل
في زمن الكورونا:
قصصنا من الأردن

الأسبوع الماضي عملوا حظر شامل لمدة يومين، وخلال الحظر انطلقت فرق الفحص العشوائي على الأحياء الشعبية بعمان ومن ضمنها كان الحي الي بسكن فيه، حي الأمير حسن. دخلوا كل بيت بحارتنا، وبيتي كان من هاليبوت، رنوا جرس الباب فتحلهم أذوي ودخلوا كان معهم ملف بسجلوا اسم ورقم تلفون كل واحد بفحصوا. كان معهم صندوق مليون عيوات فارغة وجهاز يشبه (نكاشة الأذن) طويل بدخلوا بأعلى الأنف ويوخذوا مسحة من الأنف وبوضعوها بأنبوب مكتوب الاسم عليه ومن ثم بحافظة في صندوق.

الفحص كان كثير سهل ما بخوف بالعكس، الدكتور الي عمل الفحص كثير دقيق وتعامله كان كثير ممتاز ويتعاملوا مع الواحد بكل احترام، يعني بطلبوا الإذن منك قبل ما يفحصوا. حكولي حابة تفحصي؟ حكيتلهم نعم. وبحترموا خصوصية البيت الي بدخلوا، إجوا اثنين من الدكاترة واحد منهم اسمه عدنان اسحق وهو المسوؤل عن الفحص العشوائي وكان ينتظرهم خارج منزلنا اثنين من الأمن العام، ما دخلوا للبيت. التجربة كانت ممتازة والواحد بظمن على حاله وعلى أهله، وعملهم كان رائع ومنظم. الفحص لمصلحتي ومصلحتك ومصلحة الوطن ككل. فحص بسيط وفعال بجهود كوادر رائعة.
(الجزء الأول من القصة ... يتبع)

نبال عوض، باحثة في مركز المعلومات والبحوث، جبل النمر

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER



f IRCKHF @ IRC_KHF IRCKHF

بصيص من الأمل
في زمن الكورونا:
قصصنا من الأردن

” (الجزء الثاني) بعد الفحص العشوائي، طلعت النتائج وكانت نتيجتنا أنا وأهلي سلبية، لكن ظهر بحارتنا ٣ حالات وهلاّ عملوا علينا حذر شامل. إجراءات الصحة كانت ممتازة عمقوا البيوت والسيارات وبلشوا يعملوا فحوصات لكل الشارع. وظهرت بادرة كثير ممتازة من شباب الحي سمحولهم الجيش يدخلوا شارعنا الي صار اسمه "البؤرة الساخنة"، برنوا على البيوت وبوقفوا مسافة أمان، وبسألوا كل بيت اذا محتاجين خبز أو أكل ليجيبوا للناس ويسجلوا الطلبات على أوراق، والجيش كان متعاون معهم كثير. ولسلامتنا ممنوع حدا يفتح الباب، والكل ملتزم بييته. ثاني يوم من الحظر الشامل على حينا إجوا عمال الوطن من الساعة 9 الصبح، وكانوا لابسين ملابس الوقاية كاملة وأخذوا القمامة من باب كل بيت ونظفوا الشارع. فرق المتطوعين رائعين، بزودوا كل بيت باحتياجاته وساعدوا لجنة تحسين المخيم. بالنسبة للمصابين، الكل بالحي تعاطف معهم ومع أسرهم وكلنا واقفين بجنبهم وبندعمهم، وبندعيلهم بالشفاء. أهالي المصابين الحمدلله نتائج فحوصاتهم سلبية. سكان الشارع جهزوا لرمضان وزينوا الشارع وكل ليلة بضوا الزينة، والأطفال يطيروا طائرات ورقية بالسما ليحسوا بالفرح والأمل ويرفعوا معنويات الحي كله.

الحي تكاتف وبجهود الكوادر الطبية والأمنية والأهالي الطيبة والمتطوعين والأطفال بمنطقتنا، بنتأمل الصحة والفرحة ترجع لكل .

“

نبال عوض، باحثة في مركز المعلومات والبحوث، جبل النضر

KING HUSSEIN FOUNDATION
مؤسسة الحسين
مركز المعلومات والبحوث
INFORMATION AND RESEARCH CENTER



IRCKHF



IRC_KHF



IRCKHF

بصيص من الأمل
في زمن الكورونا:
قصصنا من الأردن

رمضان هاي السنة فعلا غير، بكرا بدي أطيخ منسف لأول مرة من سنين، كونه متعودين نقضي كل رمضان عند أهلي، الله لا يغير لنا عادة. من لما توفي رامي، كنت اتجنب أطح زينة لرمضان، رغم إصرار أمي انه حق الأولاد ينسطوا بالأجواء، كان ردي الكاذب دايمًا "ما احنا اغلب الوقت عندكم ليش اطح زينة"، بس الحقيقة إنه هاي كانت دايمًا مهمة رامي. السنة جبت زينة، وجبت أغراض الطبخ كلها وحتى أغراض الطلويات، طبعاً حمزة وتاليا مش مصدقين إنه بعرف اطيخ جد جد يعني طبخات غير الأشياء السريعة، لهيك حاسة بكرا عندي امتحان توجيهي، ادعولي.

الخلاصة: كل هاي التغييرات اللي فرضتها "كورونا" ما غيرت فكرة انه رامي كان ولا زال اكثر شيء حي بحياتي، هو فعلا الغائب الذي يطغى حضوره. الله يرحمك يا ابو حمزة ورمضانك في الجنة حبيبي، وكل سنة والجميع بالف خير.

رانيا المرابرة، صحفية في جريدة الغد

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER

f IRCKHF @ IRCKHF

بصيص من الأمل
في زمن الكورونا:
قصصنا من الأردن



”

بهاي الأزيمة كنت خائفة عولادي ودراستهم كثير وقلقانة من هذا الموضوع، بس حالياً أولادي يدرسوا عن بعد على الواتساب، المدارس الحكومية كثير متعاونين عاملين برنامج في ساعات معينة، بيعطوا كل المواد وفيه امتحانات والحمد لله ما نقص علينا اشي. المعلمات بيعتوا مقاطع فيديو بصورها الألواح اللي عندهم من البيت، ويبشروا كأنهم بالمدرسة الله يجزاهم كل خير، وإحنا متفاعلين معهم وحكيينا مع كل المدرسات وأثنينا عليهم يعني بيعطوا من حق بيتهم وأولادهم لإنهم بيساعدوا الطالب وحتى إنهم بيعطوا مادة ترفيهية. والامتحانات على صفحة الفيسبوك بيعتوا عليها الأسئلة وبصيروا الطلاب يحلوا، وطبعاً مسؤولية الأهل المتابعة لأنهم مؤتمنين. الدراسة من البيت مثابرة وإلتزام وواجب على الطالب وعلى الأهل ليحصلوا الولاد على نتيجة منيحة.

“

سيدة سورية، 46 سنة، إربد

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER



f IRCKHF IRC_KHF IRCKHF

بصيص من الأمل
في زمن الكورونا:
قصصنا من الأردن



”

أنا بعمل بمهنة الحلاقة. كنت على خلاف مع أهلي وما زلت للأسف. سكنت بمجتمع يختلف عن المجتمع إلي ترعرعت فيه. بالنسبة إلي أزمة كورونا أثبتتلي إنه الخير متواجد وبقوة بين الناس. الأزمة أثرت علي كحلاق، وعلى شغلي ورزقي لكن ما شعرت أبداً إني وحيد، هون بتعاملوا مع بعض على إنهم عيلة وحدة وبتفقدوا بعض بكل شي بلزم البيت. أنا نفسي صرت، وبدون وعي، أجيب الخبز للعمارة بدون ما يطلبوا مني، وقتها أدركت إنه النقم بيبي منها ناعم وحسيت بقيمة العيله. العائلة مهمة بكل أشكالها والتكافل الاجتماعي أحد أهم الأشكال بهاي الظروف.

“

طلاق، 43 سنة، مخيم النصر

KING HUSSEN FOUNDATION
مؤسسة الحسين
مركز المعلومات والبحوث
INFORMATION AND RESEARCH CENTER



f IRCKHF @ IRC_KHF IRCKHF

بصيص من الأمل
في زمن الكورونا:
قصصنا من الأردن



”

أنا عايش بمخيم من المخيمات العشوائية بالأردن وأحد المسؤولين عن المخيم، بداية أزمة كورونا ما كنا متصورين الوضع لإنه شغلنا بالمزارع وعدد ساعاته كثيرة، واختلاطنا بالمجتمعات المجاورة قليلة، تفاجأنا بالحظر ومنع التجول وما قدرنا تأمين خبز ومواد غذائية. عشنا يومين صعبين، لحتى وجدنا جيرانا الأردنيين إلي معهم تصاربح بأمنونا بالمواد الغذائية والخبز، وقامت مبادرة "تنمية رواد المستقبل" بتأمين المعقمات لجميع الخيم الموجودة بالمخيم.

أحياناً سؤال جارك عنك بكون قارب نجاتك!

“

صالح، ٤٤ سنة، سوري الجنسية

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER



f IRCKHF @ IRC_KHF

بصيص من الأمل
في زمن الكورونا:
قصصنا من الأردن



”

خلال فترة الحظر كنت أجمع معلومات عن الأشخاص ذوي الإعاقة الي تضرروا من الحظر وخاصة أرباب الأسر منهم لمساعدتهم، وبالفعل لما بدأ شهر رمضان الكريم، قمت بجمع التبرعات من أصدقائي وكان التجاوب رائع لمساعدة هؤلاء الأشخاص، وقمنا بمساعدة 20 شخص الى الآن والمبادرة مستمرة.

مبادرتي للأشخاص ذوي الإعاقة. كل مبادرة ولو فردية أو صغيرة بتعمل فرق.

“

نهاية الردايدة، ناشطة اجتماعية، إربد

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER



f IRCKHF IRC_KHF IRCKHF

بصيص من الأمل
في زمن الكورونا:
قصصنا من الأردن

”

يسلم ايدين أمي الحنونة. خبرونا عن حظر التجول بالمخيم وكلنا قعدنا ببيوتنا، ومراكز الخبز سكرت لمدة يومين. في ناس ما قدروا يحصلوا على كفاية عائلاتهم من الخبز. قررت أمي تساعد جيرانها وبدت تخبز بالبيت، وقعدت يوم كامل وهي بتخبز، وساهمت بإطعام الأطفال والنساء. هنيئاً لأمي ولأمثالها من فاعلي الخير، هاي أمي وكلي اعتزاز بها.

عند الحاجة كلنا طاقة وقوة وبنساعد بعضنا البعض.

“

مريم عزاوي، مخيم الأزرق

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER

f IRCKHF @ IRC_KHF

بصيص من الأمل
في زمن الكورونا:
قصصنا من الأردن

”
كطالبة من الطلاب الأردنيين في الخارج، مضى أكثر من 0٠ يوم في الحجر بتركيا وأربع أيام في الوطن، ومضي نص رمضان فيهم. رسالتي لكل زملائي الطلبة في الحجر الصحي في البحر الميت، رسالة زميلة تعيش نفس الظروف: تذكروا إنه القادمين من الخارج هم أكبر خطر عالبلد يعني كل شخص ما التزم ممكن يكون سبب بإعادة سيناريو كورونا من أول وجديد، وسبب في هدم كل جندي معروف أو مجهول تعب بالأزمة، وسبب في تأخير فتح ابواب رزق لكثير ناس انقطعت أرزاقهم.
لما إجا الممرض ليعطيني التعليمات سألتو إذا بقدر أمشي بالمشى حالي: "ممنوع، وتحملوا هالفترة ترانا احنا كمان تاركين عيلنا ومحجورين معكم طول هالفترة بس عشانكم الله يرضى عليكم لا تهدموا كل شي بتصرف فردي استهنتوا به".

”
زملائي اصبروا لنعود عودة الكرام، اصبروا عشان أهالينا إلي بستنونا، عشان الجنود إلي واقفين برا بعز الشوب وضغط أخفض بقعة بالعالم. هال ١٤ أو 17 يوم الكرة بملعبنا، خلينا نلعبها صح.


ملاك العبادي، طالبة أردنية في تركيا

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER



f IRCKHF @ IRCKHF

بصيص من الأمل
في زمن الكورونا:
قصصنا من الأردن



”
صراحة في بداية أزمة كورونا ما كان حد منتهه لأبناء الأردنيات. لكن الحكومة الأردنية مشكورة ساوت ما بين الأردني والأردنية في هاي الشغلة واعتبرت الأردنية ربة أسرة مثل ما هو الأردني رب أسرة. ولحتى يحصلوا على دعم الخبر و ودعم المتضررين من عمال المياومة لازم يكون معهم هوية أبناء أردنيات، ولكن للأسف فيه عنا فئة كبيرة من أبناء الأردنيات مش قادرين يحصلوا على الهوية لأسباب معينة. بتمنى يكون فيه استثناء لأبناء الأردنيات اللي أهمهم متوفية ويقدرها يحصلوا على هاي الخدمات لإنه صراحة الأردني إذا توفى بصير رب الأسرة الأم أو الابن الأكبر. ولكن الأردنية المتزوجة من غير أردني إذا توفت ما في رب أسرة تعترف فيه الحكومة.
تواصل أبناء الاردنيات اللي أهمهم متوفاه مع الجهات الحكومية وحكولهم يقدموا على اعتراض خلال فترة الاعتراضات المسموحة. وأنا بأمل يكون فيه إجراءات من الحكومة للأيام الجاي ويقدرها يطلوها.
إلى أن يتم منح المرأة الأردنية حقوق المواطنة الكاملة، لازم نتذكر إنه أبناء الأردنيات المتزوجات من غير أردنيين جزء لا يتجزء من المجتمع الأردني.

”
رامي الوكيل- منسق حملة أمي أردنية وجنسياتها حق لي

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER



f IRCKHF @ IRC_KHF

بصيص من الأمل
في زمن الكورونا:
قصصنا من الأردن



”
قبل حظر التجول كنت شغال على مشروعني الخاص اللي بختص بفرز النفايات تلقائيًا من المصدر من خلال ابتكار حاوية نفايات ذكية. وهذا المشروع إله جانب ربحي وجانب اجتماعي من خلال تأثيره على رفع وعي المجتمع حول أضرار طمر وحرق النفايات. بس خلال حظر التجول، انقطعت الحركة وصار صعب الاستمرار بالمشروع، لهيك حولت هاي المرحلة وخليتها بشكل أساسي معتمدة على رفع وعي المجتمع حول النفايات والبيئة من خلال إنتاج فيديوهات توعوية ورفعها على مواقع التواصل الاجتماعي. فهيك بضل المشروع عايش والوعي موجود لحد ما نرجع نكمل بعد الأزمة.

هاي الأزمة خلتننا نفكر بطرق مبتكرة للحفاظ على عملنا ومشاريعنا.

“
عبدالله سميك، 28 سنة، عمان

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER

f IRCKHF @ IRC_KHF IRCKHF

بصيص من الأمل
في زمن الكورونا:
قصصنا من الأردن



”
من بداية حظر التجول وأنا بعمل من البيت عن طريق التواصل مع مديري واخذ المهام منه. لكن الشغل كان قليل وكنت اشعر بالملل وأقعد لساعات بدون أي عمل، حكيت لازم أعمل اشي يفيد أهلي بعيمة. عملت جروب مع المعلمين والطلاب لتشجيعهم وحثهم على التعلم عن بعد وعملت جروب للأهالي لحث أبناءهم للتعلم عن بعد، مع تذكير الأهالي بقرارات الحكومة الصادرة يومياً. حالياً بعمل على مبادرة من الصندوق الاردني الهاشمي لتوزيع الطرود على أهالي منطقة عيمة.

بشعر بالسعادة لما أخدم أهل منطقتي وما بحس بالوقت ولا بشعر بالملل... كورونا بتخليك تبدع وتنتج.

اسماء الرعود، الطفيلة - عيمة

KING HUSSEIN FOUNDATION
مركز المعلومات والبحوث
INFORMATION AND RESEARCH CENTER



f IRCKHF @ IRCKHF

بصيص من الأمل
في زمن الكورونا:
قصصنا من الأردن

”
من لما سكرت المدارس وبدأ حظر التجول زادت المشاكل بين الأولاد. عصبت شوي، بس تذكرت شو أخذت بتدريب حقبة التعلم الأسري لمرحلة الطفولة المبكرة مع مركز المعلومات والبحوث. عملت هدنة مع الأولاد وبلشت أطبق عليهم مواد التدريب من الرياضة وصناعة الألعاب، حتى بنتي تعلمت تصنع المعجونة وتشكل لوحات حلوة منها، وصرنا نحكي القصص من خلال الدمية.
أنا كنت أشتغل على سيارة زوجي أوصل أغراض لسيدات المنطقة، بس مع الحجر ما في مجال فبحاول أعبي وقتي بإشي مفيد إلي ولأولادي.
بهيك ظروف لازم نعمل كل شي بنقدر عليه لنحافظ على صحة أبنائنا النفسية والجسدية.

”
أم أيسر، إربد - كفر سوم

KING HUSSEIN FOUNDATION
مؤسسة الحسين
مركز المعلومات والبحوث
INFORMATION AND RESEARCH CENTER

f IRCKHF @ IRC_KHF IRCKHF

بصيص من الأمل
في زمن الكورونا:
قصصنا من الأردن

”
أنا ممرضة بمستشفى البشير، في بداية تعاملنا مع جائحة كورونا كانت مشاعرنا ملخبطة، بين الخوف من المرض المجهول وبين إنا نؤدي رسالة سامية تتطلب منا الشجاعة ومساعدة المرضى، وإحنا على علم بأنه المريض اللي يثبت تشخيصه أو حتى الاشتباه كان يعزل عزل كامل وما إله إلا إحنا كأطباء وممرضين بنقدمه الدعم والعلاج... ما بنكر إنه تأثرنا نفسياً لأنه ابتعدنا عن كل من حولنا حفاظاً على صحتهم وخوفاً عليهم، لكن مع الوقت اعتدنا على هذا الوضع واكتسبنا أهل جدد من زملاء ومرضى. عمّ روح الفريق بين جميع الكوادر وظهرت الإنسانية بالتعامل مع المريض، وشعرنا بأهمية القطاع الطبي والخدمات اللي يقدمها. في حين إنه الجميع كانوا في بيوتهم، إحنا كنا بالميدان وعلى مدار الساعة.
إحنا سعداء بالنتائج خاصة لما تكون النتيجة شفاء مريض وعدم نقله للعدوى لأهله ومجتمععه.

“
فدوى الدقس، ممرضة في مستشفى البشير

IRCKHF
مركز المعلومات والبحوث
INFORMATION AND RESEARCH CENTER

f IRCKHF IRC_KHF IRCKHF